

Vorrede.

daß er/ der sein lebtag keine Schlachtordnung
hatte machen sehen/den grossen vnd berühm-
ten Kriegßfürsten Hannibalem wolte schla-
hen vnd stürmen lehren/ hab ich mir traun das
in keinen Weg fürgenommen/Bergleut vnd
Schmelzer in ihrer Bergarbeit zu reformirē/
oder wie man Schecht absincken / fassen / ver-
schiessen / außwechselfeln / vnd gewonnen Erß zu
gut machen könne/lehren wollen. Das ist a-
ber/ wie ich vor auch gemeldet/ mein intent vnd
fürhaben gewesen / daß ich als ein Diener der
Kirchen Gottes vnsern Gott vnd sein Allmäch-
tigkeit vnd Reichthumb/ den meinigen in dem
Bergwerck zeigete/vnd die Sprüch vnd Histo-
rien / so im alten vnd newen Testament / vom
Bergwerck vnd Bergleuten lauten/ erkläre-
te / vnd mit deutlichen/ vernemblichen / Teut-
schen Bergworten außspreche / vnd auff sie/
ihr Herz vnd Nahrung / applicirte vnd deute-
te/damit sie sich an ihrer sawren Arbeit des
Schöpfers vnd seiner reichen Güte / neben
der Predigt zu erinnern hetten/ vnd Gott für
vnd für zu loben vnd dancken gereiket würden.

Mit niemand hab ich disputirn oder ha-
dern / auch der andern meinung nicht tadeln
oder verwerffen wollen / mein Meinung

c

so